
Ushkat e tshitshipanit

Ka ishi-pimutenanit

Nenu atusseunnu *Hydro-Québec* ka ui tutak nete shipit unaman-shipu, nenu ua tshimatat mitshuapinu anite etutakannit nanimissiu-ishkutenenu tshika ui minu-tshitapatakannu nenu tan tshe tutatshemakannit anite tshatapatakanit assi, tan tshe ishi-katshitaikanit assi ute Uepishtikueiau-assit, miam ka itashtet neme mashinaikan 31.1 neme takuaikan ka tshitapatak e aitutakannit assinu tshetshi ma eka nanautakanit (*Loi sur la qualité de l'environnement (L.R.Q., c. Q-2)*), ute kassinu uishamakanu tshetshi tat anite e aitatussenannut. Nete ashit natuenitakanu tshetshi tshitapatakanit atusseun Utuat itetshe tshe aitutakanit neme assi nete takuaikanit (*Loi canadienne sur l'évaluation environnementale (L.C. 1992, ch. 37)*), ute ashit kassinu auen uishamakanu tshetshi tat anite e aitatussenannit. Ume eshinakuak, mamu natu-tshissenitakanu etutatshemakak anite assit ne atusseun ua tutakanit. Nashatakannu anitshenat ka nishtutatuht nemenua nissi-pishimua 2004, Utuat-Uepishtikueiat tshetshi mamu uitshi-atussemituht natu-tshissenitakau assinu etutakannit, ka ishinikatakanit ute Nishtutatuht. Mashinateu anite, tshetshi ashit, takuak mamuitun tshe tshitapatak atusseunnu takuanniti tshetshi itatusset, takuaki anite tshekuan ua tutakanit anitshenat tshishe-utshimauat, Utuat mak Uepishtikueiat, natuenitakau tshetshi kutak auen natu-tshissenitak, upime uetshipanit.

Katshi ishi-natuenitahk anitshenat *Pêches et Océans Canada* mak *Transports Canada*, e nishiht anitshenat uinuau patshitineuat kanua mak uinuau tshipa ui tapuetamuat tshetshi put tutakannit atusseunnu, ne utshimau ka tshitapatak assinu e aitutakannit nete utauau-tshishe-utshimat, Stéphane Dion, natuenitamupan nemenu peikunnu e tshishtauakanit epishiminishkueu 2005, tshetshi tshitapatakannit nenu atusseunnu ua tutakannit, nete tshishe-utshimat itetshe, miam ka itashtet takuaikan *Loi canadienne sur l'évaluation environnementale*. Ekue minuat, neme neu e tshishtauakanit ushkau-pishim^u 2008, utshimashkueu Line Beauchamp ka utshimashkueut nete *Développement durable, de l'Environnement et des Parcs*, natuenitamuepan nenua mashinaikanitshuapa ka natu-tshissenitaminiti assinu e aitutakannit ka ishi-uinakaniti BAPE tshetshi natu-tshissenitaminiti nete ashit innua miam ka itashtet mashinaikanit 31.3 nete takuaikanit ka tshitapatakanit assi e aitutakanit (*Loi sur la qualité de l'environnement*). Nenu Neshtutatuht, natuenitamuepan mashinaikanitshuapa ka natu-tshissenitaminiti assinu e aitutakannit (BAPE) tshetshi kutaka uitshi-atussemaniti, minupuaniti.

Miam ka ishi-natuenitakanit tshetshi ishinakuak anite ua tshimatakanit mamuitun tshetshi mamu uitshi-atussemituht auenitshenat miam ka ishi-nishtutatananut. Ne utshimau nete mashinaikanitshuapit ka natu-tshissenitannit assinu e aitutakannit (BAPE), Pierre Renaud, uinepan nemenu neu e tshishtauakaniti ushkau-pishimua 2008, mamuituna tshe natu-tshissenitaminiti atusseunnu mak uinepan nish^u auenua ka mishta-tshissenitaminiti tshe takuaimataminiti nenu mamuitunnu. Tshemanakaniht anitshenat nish^u auenitshenat eukuannu patush minuat ekue tapuetuepan nana ka utshimaut nete Utuat-tshishe-utshimat ka tshitapatakannit assinu, John Baird. Ne, Utuat ka ututet, ka natshi-uitshi-

atussemat nenua etaniti nete mashinaikanitshuapit ka natu-tshissenitaminiti assinu e aitutakannit (BAPE) tshimanikupan nemenua kutaka utshimaua ka tipenitaminiti nenu assinu itetshe Uatauat-tshishe-utshimat, nemenu patetat e tshishtauakaniti ushkau-pishimua 2008 mak nenua utshimaua ka takuaimataminiti mashinaikanitshuapinu BAPE, eukuannu iapit tshishikunu. Katshi tshishtapanit ne eshi-pimutenanut, ne utshimau ka tshitapatak nenu eshinikatenit *Développement durable, de l'environnement et des Parcs* tapuetamupan nisht^u auenua etaniti nete mamuitunit, mamu tshe tshitapataminiti atusseunnu.

Eukuan ishi-tshimatakanipan ne mamuitun tshe natu-tshissenitak tshekuannu mamu, tapishkut tshitshipanipanat ashit nenua mashinaikanitshupa ka natu-tshissenitaminiti assinu e aitutakannit (BAPE), mak nashatamupanat takuaikannu, tshe ishi-pimutenanit natu-tshissenitakaniti tshekuan [Q-2, r. 19]. Tshitshipanipanat e natu-tshissenitakh tshekuannu, e nishiki mamuituna, nemenu nishunnu ashu nishuasht uashtessiu-pishimua 2008, neupishimua ishpish. Miam nete etashtenit nishtutatunit, tutamupanat mamu umashaikannuau ka aishpannit atusseun.

Neme e tshishtauakanit nishtunnu ashu peik^u uinashku-pishim^u 2004, *Transports Canada* mak *Pêches et Océans Canada* itishaimakupanat nenua *Hydro-Québec Équipement* mashinaikannu uatamakuht atusseunnu ua tutaminiti. Ek^u kutak minuat neu e tshishtauakanit shiship-pishim^u 2004, *Hydro-Québec production* itishaimueu nenua utshimaua ka atusseshtaminiti assinu, Thomas J. Mulcair (anutshish utshimau nete *Développement durable, de l'Environnement et des Parcs*). Katshi tshitapatak nenu atusseunnu ua tutakannit ne utshimau ka takuaitshet nete *Développement durable, de l'Environnement et des Parcs* minepan nenua ka natu-tshissenitaminiti assinu e aitutakannit (BAPE) tshetshi unuipanitaniti nenu mashinaikannu mak tshetshi pimutataniti aimunnu mak tshetshi shatshuapamakaniti innua nete neu e tshishtauakanit ushkau-pishimua nuash peikunnu ashu peikushteu uashtessiu-pishimua 2008. Ekuta anite natuenitamukanipan ne utshimau tshetshi natshi-aimiakanit, neunipani netuenitamakut auenua.

Nete Upimishkat ushkat itutenanipan e natakaniht innuat, neme nishunnu ashu nishuasht nuash nishtunnu uashtessiu-pishimua 2008. Mamu patetat-tatunnu ashu nishuasht mashinaikana patshitinakanipani neme minuat uiapamakaniht auenitshenat, nete peik^u pishimuss nuash peikunnu ashu peik^u 2008 nete Ekuanitshit, Uepimishkat mak Uashat. Kutaka ashit natashtakanipan muk^u apu ut aimuatakaniti, patetat tatunnu ashu peikushteu itatina mak neu muk^u kaniatshi-uauitakaniti.

Atusseun ua tutakanit

Hydro-Québec, uepistikueiau-tshishe-utshimau ka tipenitak atusseutshuapinu, natashtau nenu atusseunnu ua tutak nete shipit unaman-shipu nete itetshe nutshimit Uepishmishkat, ushkutima anite ui tutam^u, nanimissiu-ishkuteu tshetshi tutakanit. Tshipa mishtashutshishimakan ne tutakanit nanimissiu-ishkuteu, 1 550 MW tshipa ishpish shutshipanu ek^u nete peikupinua tshipa ishpish ishpishau 8,0 TWh. Tshipa neuna tshekuana tshe tshimatakaniti, nete itetshe eshi-tipaikanit shipu **km**: 53, 90, 158 mak 192 nete itetshe

nutshimit (*Tableau 1*). Kassinu nete e neuaki, tshipa takuana papeik^u ushkutima ka tshitaukapautakaniti ashit ne ashinia, anite ut nipi tshe shikupatinakanit tshetshi nutuenakanit ushkutim uieshamipiati, nete uet utaikanit nipi tshe pimikaut utshishkashkut, mitshuapa anite tshe taht nish^u apuiashkuat mak nete upime uenapissish tshe pimikautakanit shipu. Tshe ishpishati ne neu ushkutima : 279 km².

Nete nutim tshe ishpishat tshe atussenanut, anite tshe tutakanit nanimissiu-ishkuteu tshipa tshi ishpatanau nete ut mishta-meshkanat 138, tshipa itamutakanu nete meshkanau, tshipa pitshikatakanu mak tshipa ishpishinakuan 150 km. Nishuait anite tshipa manukashunanu, anitshenat kaiatussesshiht tshe nipaht, nete itetshe mamit shipit. Neme tshe manukashunanut *Murailles* ka ishinikatet, ka ishpishinakuak 35.7km meshkanat mak nete tshe takuak mitshuap etutakanit nanimissiu-ishkuteu eshinikatet *Romaine-2*, tshipa shash tananu neme 2009 mak 2016. Ek^u nete tshe manukashunanut eshinikatet *Mista*, tshipa ishipishinakuan 118 km, neme pessish tshe takuak mitshuap etutakanit nanimissiu-ishkuteu eshinikatet *Romaine-3* tshipa tananu nete 2012 nuash 2020.

Tshetshi mamu tshitapatakaniti e neuaki mitshuapa nete tshe tutakanit nanimissiu-ishkuteu ashit neme tekuak kutak nanimissiu-ishkuteu, *Hydro-Québec* tshipa ui tshimatau anite tshe itapekamuniti uashtenimakan-apisha tshe ishkuapekaniti 28km kie tshe ishpishimakaniti 315kV mak kutakanu 470km kie tshe ishpishimakak 735kv muk^u 315kV muk^u tshiam tshe ishpish apashtakanit mak ashit tshika ui neu tshimatau mitshuapa anite tshe mamuapitakaniti ishikuteu-apisha. Neni uashtenimakan-apisha kie neni mitshuapa anite tshe mamuapitakaniti ishikuteu-apisha, apu ut tshitapatakaniti ute mashinaikanit. Muk^u shash neni uauitakanipani neme pipun 2005 nete mashinaikanit mak tshika natu-tshissenitakanua tipan. Mak ne ashit, tshetshi uashtenikanit nete tshe atusseunanut mak neme tshe tshimatakanit mitshuap tshe tutak nanimissiu-ishkutenu eshinikatet *Romaine-1*, tshipa ui itapekamu ishikuteu-apish eshkuat 13km kie eshipishimakak 161 kV nete tshipa utinakanu uashtenimakan-apisha ka takuanueni nete mishta-meshkanat 138. Nete pessish tshe tshimatet mitshuap tshe tutakanit nanimissiu-ishkuteu tshe ishinikatet *Romaine-1*, tshika tshimatakanu anite mitshuap tshe itapekamutakanit nanimissiu-ishkutenu, tshe ishpishimakak 161 nuash 34.5kV, tshika tshi uashtenam^u kassinu anite tshe atussenanit, e nishtiki anite tshe tananut, tshika ishkuapekan uashtenimakan-apish tshe takuak 152km.

Ne ka ui tshitshipanitat nenu atusseunnu, pakushenitam^u tshetshi tshitshipanit nenu etusset nete apitu tananuti pipun 2009, tshetshi aiashku pimipaniti nenua mitshuapa anite ka tutakanit nanimissiu-ishkuteu neme 2014 mak 2020 (*tableau 1*). Ne atusseun tshe tutakanit, tshipa utshitshipanu 6,5 milliard. Apu atshitakaniti anite neni uashtenitamakan-apisha, tshe ishi-nashatakanit tshe ishpanit ne assi tshi tshishtapanitakaniti neme atusseun mak miam tshe ishi-nishtutatunanut ashit anitshenat etaht anite pessish auenitshenat.

Tableau 1 Tan tshe ishinakuak anite tshe mauatshitakanit nipi mak neni mitshuapa anite tshe tutakanit nanimissiu-ishkuteu

ANITE NIPI MIAUATSHITAKANIT	Romaine-4	Romaine-3	Romaine-2		Romaine-1	Total
			2014-2020	Tshi 2020		
Tshe ishkuat (km²)						
• meshta-mishipiati	142,2	38,6		85,8	12,6	279
• eka shuk ^u meshipiati	77,4	34,5	68,3	81,0	11,2	204
Tshe ishpish takuak nipi (m)						
• mishta-uesham-mishipiau	459,6	366,8		244,1	83,3	
• mishta-mishipiau	458,6	365,8		243,8	82,3	
• apu shuk ^u takuak	442,1	352,8	224,8	238,8	80,8	
• miam ishpishau, nipin	455,8	364,2	non indiqué	243,4	82,2	
E petshuak kie ma ikashtet (m)	16,5	13,0	19,0	5,0	1,5	
Tshe ishpishpiat natimit (PK)						
• eka meshta-mishipiati	265,5	189,3	152,0	153,3	80,8	
• meshta-mishipiati	289,2	190,7		155,0	81,8	
Tshe ishpishpiat mamit (PK)	191,9	158,4		90,3	52,5	
Tshe ishkuat nissipanitakaniti (km)	97,3	32,3		64,7	29,3	223,6
Tshe ishpish ishpanat ushkutim (m)	87,3	92,0		121,0	37,6	
Tshe ishpish mauatshitakanit nipi(hm³)						
• nutim eshpishat	2 710	1 878		3 720	147	8 455
• apatan	1 762	475	1 460	419	18	2 674
Tshe ishpish nipi tatakanit (tshishik^u)						
• Tshe ishpish tshitshipananut	ushkau-pishim ^u 2019	uashtessiu-pishim ^u 2016	shiship-pishim ^u 2014		shetan-pishim ^u 2016	
• <i>Hydraulicité</i> apishashu (5 ^e centile)	314	229		406	44	
• <i>Hydraulicité</i> ashtamite (50 ^e centile)	276	215		98	17	
• <i>Hydraulicité</i> mishau (95 ^e centile)	260	197		77	7	
Anite etutakanit nanimissiu-ishkuteu						
Apuiashkuat mak ka tshinikuanipanit tshetshi tutak ishkutenu	2	2		2	2	8
Tshipa ishpishikau (m³/s)						
• tshipa ishpishipanu namashina	307	372		453	485	
• tshipa ishpishipanu ashtamite tshinikuanipanitai	179	217		264	284	
• tshipa ishpishipanu ashtamite e unitishinakanit	6	7		9	7	
Tshe ishpish tshitshipanitakanit						
• ushkat tshe tshitshipaniht (1 ^{er})	upau-pishim ^u 2020	upau-pishim ^u 2017	ushkau-pishim ^u 2014		uashtessiu-pishim ^u 2016	
• kutakat tshe tshitshipaniht (2 ^e)	uashtessiu-pishim ^u 2020	pishimuss 2017	pishimuss 2014		pishimuss 2016	
Tshe ishpish shutshishimakak (MW)	245	395		640	270	1 550
Tshipa ishpishau peikupipuna (TWh)	1,3	2,0		3,3	1,4	8,0
Tshe ishpish apashtakanit mani	0,58	0,58		0,58	0,59	

Uetshipanit ume:utshipanu nete PR3.1 (eshi-tipanikanit mashinaikanit 1 mak 9 nuash 12) kie PR5.1 (tableaux QC-61-1 mak QC-89-1).

Hydro-Québec ishi-atshitam^u nenu atusseunnu tutakaniti, nenua ushkutima tutakanitau tshipa pet shuniau pitutepanu Uepishtikueiau-assit 3,5 *milliards* ishpish mak mitshet auenitshenat tshika atusseuat, 18 553 auenitshenat tshipa atusseuat peikupipuna nete tshe atusseht tshitshipananuti ushkutima mak 14 877 auenitshenat peikupipuna nete upime tshipa mishku-atusseht.

Tan ishi-tshitapatakanipan ne atusseun

Mamuitun ka natu-tshissenitak atusseunnu ka ishinikatakanit *BAPE* minu-tshitapatamupan tan tshe ishi-pitutepanit nete eshinakuak assi mak tan tshe ishi-pitukatakannit nete nutim innuat etashiht. Eukuan ume ishipimutenanipan, nete ka ishi-nashatakanit tshekuan ua minu-kanuenitakanit mashinateu nete mashinaikanit ka itashtet 6 nete takuaikanit *Loi sur le développement durable (L.R.Q., c. D-8.1.1)*, eukuani neni tshipa tshi tutamuat tshetshi utinaminiti menuanit aimunnu nenua uepishtikueiau-tshishe-utshimaua, minu-tshitapatakanipani nete netu-tshissenitakanit ne atusseun ua tutakanit.

Mak ashit, anitshenat ka mamuituht nenu ka natu-tshissenitak atusseunnu tshitapatamupanat nenu tshekuannu ua tutakannit miam eshi-natuenitakanit nete takuaikanit *Loi canadienne sur l'évaluation environnementale* mak nete *Loi sur la qualité de l'environnement*, ka ishi-mashinatet nete Nishtututunit. Tshitapatamupanat tshipa tutatshemakan ne atusseun nete assit mak tan etatiniti, kie ashit natu-ishpaniti kie ma tshek pikupaniti. Ne ashit tshitapatakanipan tshekuan takut tshipa takaikanu tutakaniti atusseun, tan tshipa ishi-katshitaikanu assi, apashtakanipani mashinaikana ka takuaki mak neni atusseuna shash ka tutakaniti kie tshitapatakanipani nemeni tshe itatussenanut tshetshi eka shuk^u mishta-katshitaikanit tshekuan. Ek^u mashten, ne uet takuak atusseun, ne tshekuan tshipa natashtakanu kutak nete e tshitapatakanit atusseun kie tshe ishi-pitutepanit anite shuniau mak ne tshe ishi-nashatakanit atusseun tutakaniti eukuani neni ashit uauapatakanipani mak kanapua tshekuan anite tshe mishta-katshitaikanit tutakaniti ne atusseun, tshetshi nashatakanit anutshish eshinakuak mak nete aishkat.

Ne mamuitun ka tshimanakanit¹ tshetshi natu-tshissenitak atusseunnu, tshitapatamupan nete eshi-takuannit mashinaikanit ka tutaminiti nenua utshimaua *Développement durable, de l'Environnement et des Parcs* mak nenua *Agence canadienne d'évaluation environnementale*. Apu tut minuat takut natuenitak tshetshi minakanit aimunnu, tshetshi natuenitamuat nenua ka ui atusseshtaminiti kie ma kutaka auennua, ka punit niatat auenua nemenu peikunnu pishimussa 2008 miam tshiashtapanit nenu nishuau katshi natapishtuat auennua. Ne mamuitun nenua ashit ka minakanit mashinaikana niatapishtuati auenua apashtakatshepan tshetshi natu-tshissenitak nenu atusseunnu mak ashit upime uin netuapasset. Mak ashit, tshitapatamupan nenu assinu tshipa ishi-katshitaikannu miam ka ishi-mashinatenit ne umashinaikannit ne ka ishinikatakanit *Conseil privé* nemenu pipunnu 1927 mak apu nenu tshekuannu uitak tshetshi ma minuanikue ne eshi-tatshishkatumakak assi Uepishtikueiat mak *Terre-Neuve-et-Labrador*.

¹. Tshetshi etatu minu-nishtutakuak ume mashinaikan, ute uanakaniti « mamuitun ka tshimanakanit » nahi ashit uinakanu mashinaikanitshuap BAPE mak ne kutak mamuitun ka tshimanakanit.

Ne mamuitun ka tshimanakanit tshetshi natu-tshissenitak atusseunnu ua tutakannit, namaieu an ka ueueshtakanit mak apu uin utinak aimunnu. Nenu utatusseun ishinakuannu tshetshi tshitapatak tan tshe ishi-katshitaikannit assinu nenu atusseunnu ua tutakannit. Tshika ui mineu aimunnu nenua utshimashkueua ka taniti nete *Développement durable, de l'Environnement et des Parcs*, tshetshi uitshikuniti e patshitinaminiti aimunnu, tshetshi kuessipan ne natshi-patshitinak utaimun nete utauat-tshishe-utshimat, tan tshe tutakanit ne tshekuan.

Mak ashit, ne mamuitun ka tshimanakanit mashinataim^u tshekuannu nete umashinaikanit, ka ishi-uapatak, ka itenitak kie ka uitak tshipa itatussenanu. Ne eshi-uapatakanit, eukuan ne ka ishpanit, ka ishinakuak ne tshekuan, etenitak ne mamuitun ka tshimanakanit mak nenu ka uitak tshipa itatussenanu, eukuan ne tshekuannu ka tutak, ne mamuitun ka tshimanakanit, nenua ka minat utauat-tshishe-utshimaua.

Mashten tshe punanut

Nenu utatusseunuau ishinakuanipan anitshenat ka mamunakaniht miam ne mashinaikanitshuap ka natu-tshissenitak assinu e aitutakannit (BAPE) mak ne kutak mamuitun, tshetshi natu-tshissenitak kie tshetshi shatshuapamaht auenua, ne ua tutakanit, nanimissiu-ishkuteu ua tutakanit nete shipit, unaman-shipu. Ne mamuitun ka natu-tshissenitak tshitapatamupan nenu eshi-kushtaminiti kie etenitaminiti nenua auenua ka shatshuapamat mak nenu eshi-nishtuapatak kie uin. Nenu ashit tshitapatamupanat passe tshekuannu ka kushtikuannit tshetshi unitakannit mak tshe ishi-katshitaikannit, nenu atusseunnu tutakaniti. Passe nenua aimuna ka minikut auennua, apu nenu uin ishinakuannit tshetshi tshitapatak, mate tshekuannu ma uet *Hydro-Québec* nanimissiu-ishkutenu ui apashtat mak at kutakanu tshekuannu. Ne aimun ka utinakanit, utshipanu nete uepishtikueiau-tshishe-utshimau ka aimuatakanit nete utshimauat mak ka natshi-natu-tshissenimakaniht auenitshenat mak ka unuipanit mashinaikan neme 2006 ne eshi-tutakanit ishikuteu. Mak ashit, neni uashtenimakan-apisha tshe apashtakaniti tshetshi natakanit ne uashtenimakan tipan iapit tshitapatakanua, tipan natu-tshissenitakanua.

Ne mamuitun ka tshimanakanit tshetshi natu-tshissenitak nenu atusseunnu ua tutakannit, katshi tshishtat utatusseun ekue patshitinak mashten aimunnu. Ne atusseun ua tutakanit, nishtinnu tshekuannu niashatak Uepishtikueiat ka ui natak nenu ishikutenu e tutakannit, e shukashinakutat nenu tshe ishi-natakannit ishikutenu, tshetshi itapashtakatshet tshetshi minupannit nete shunianu e pitutepannit kie takuannit atushkannu mak ua minu-minat apunu auenua etaniti nete pessish mak ashit innua. Tshetshi tshishtapanitakaniti neni tshekuana, eukuannu nenu ua itatusseht mate, tshipa tshishipanitakanu ne atusseun ua natakanit nanimissiu-ishkuteu tshetshi itishaikanit nete upime, tshetshi uipat ui atuatshenanut. Mak ashit kutak tshekuan, kanapue ui tutakanu nanimissiu-ishkuteu tshetshi minakaniht anitshenat ua apashtaht, eshakumitshishikua kie ma muk^u eshi-pipuk. Kutak tshekuan ui tutakanit tshetshi ishi-patshitinakanit miam eshi-natuenitakanit, peikuan iapit kutak atusseun, miam ne eshinakuak tshipa ui tutakanu.

Ek^u neme tshe tutatshemakak atusseun nete assit, tshipa ui etatu tshekuannu tutuakannuat anitshenat pineshishat ka taht minashkuat mak anitshenat missipat. Eukuan iapit tshipa ui ishinakuan neme tshe unitakannit tshe taht anitshenat utshashumekuat mak neni assia, ka takuak anite nipi miam massekua, nemeni tutakanitau anite tshe mauatshitakanit nipi.

Ne ashit tshekuan tshe ui tshitapatakanit, tshetshi eka shuk^u mishta-aitutuakanit ne utshashumek^u, ka taht nete uinuat unaman-shipit. Apu eshk^u nishtutatuht anitshenat utshimauat : ne ka ui tutak nenu atusseunnu mak anitshenat ka taht nete tshishe-utshimaua : *Pêches et Océans Canada, le ministère du Développement durable, de l'Environnement et des Parcs* mak ne *ministère des Ressources naturelles et de la Faune*. Ne tshekuan tshipa ishi-katshitaikanu mak tshekuannu tshe tutahk tshetshi ueueshtaht tshek ishinakuaki, miam mate ne tshe ishpanit mamishkutshipaniti nipi, eshitshuak, tshe itakamitet. Ne tshekuan tshe tutakanit, tshipa ui uemut tshi tutakanu. Tshipa ui minuau tshetshi ueueshtakanit mak apu tshika ut ui animak. Ishinakuaki tshetshi eka tshi

ueueshtakanit, anitshenat tshe atusseshtahk nenu tshipa ui kutakanu tshekuannu natuapatamuat tshe tutak miam mate tshetshi tshitapatakanit ne kutak nipi pessish tekuaq kie kutak shipu pessish pemitshuak.

Ek^u neme tshatapatakanit unipek^u nete uinuat shipit, unaman-shipu, nenu eshi-uapatak ne ka ui tutak atusseunnu, takuannu anite eka shuk^u meshta-minu-tshissenitakuannit tan tshe tutatshenit atusseunnu, nete e tshitapatakanit tshekuan miam mate tshinashat, kashkanamekuat mak neni nipisha atamipekut ka takuanueni. Tshipa ui minu-nashatakanu kie tshika ui tutakanu tshekuan, tshipa tshi apashtakanu kutak tshekuan tshetshi ueueshtakanit kie ma patshitinakanit kutak tshekuan.

Ne atusseun tutakanit, tshipa ashit tutakanua mitshet atushkana nete pessish utenassa tekuaq kie innu-assia mak tshipa ashit mitshet tshekuan ui apashtakanu tshetshi aitutuakaniht anitshenat tshe atusseht mak tshipa ui etatu tshekuan takuan atautshuapa mate. Tshipa pitutepanu shuniaiu eukuannu tshipa katshitinamuat mitshet auenitshenat, anitshenat etaht *Minganie*, utenaua tekuaniti kie innu-assit. Ne tshe ishinakuak, neni utenaua mak innu-assia kie anitshenat kupanieshat tshipa tshi uitshiakanuat nenua ka tutaminiti atusseunnu muk^u ashit, kassinu etashiht tshipa ashit ui uitshiakanuat upime, ui minu-utinakau nenu tshe pitutepannit tshekuannu, mak tshetshi eka shuk^u mitshet ishi-animuht nenu tutakaniti atusseunnu, uipat tshipa ui aitutakanu.

Ne tutakaniti atusseun, miam tshimatakaniti kie atusseshtakaniti, tshipa tshi manishkuakanuat anitshenat ka ituteht nete minashkuat mak tshipa tshi mishkutshipannu nemenu ka ituteht nete shipit unaman-shipu kie nete upime assit anite nipi tshe pimikaut tshetshi ishikaut nete shipit ka ituteht, innuat mak mishtikushuat. Ne eshinakuak, mishta-apatant tshetshi minu-nakatuenimakaniht auenitshenat tshetshi eka ushukuiakaniht. Mitshet tshekuannu natuenitamuakannu tshetshi mishkutunak ne ka ui tutak nenu atusseunnu, miam tshitshipanani. Mak ne ashit, tshipa minuau uipat uitamuakaniht anitshenat tshe apashtaht assinu kie shipinu tan tshe aitatussenannit tshetshi tshishat tshissenitahk tshe aitiht. Ek^u mashten, tshetshi iapit aieshkuanishuht, tshipa ui uipat patshitinakanu ne eshi-unuipanit aimun ne ka natu-tshissenitakanit tshe aitutakanit assi.

Apu takuaki mashinaikana kie tipatshimuna anite uiauitakanit tshetshi takuak anite tshekuan takut tshe mishta-aitutatshet, neni ushkutima meshati tutakanitau, tshetshi takaikanit ne uinipek^u *Saint-Laurent*. Mak ashit apu tshi atamenitakanit ne atusseun ua tutakanit tshetshi nenu aitutatshet. Nenu eshi-mamitunenitamiuenit, eukuannu uet utinahk aimunnu anitshenat *Pêches et Océans Canada* tshetshi kapikutashiniti natu-tshissenitaminiti tshe ishi-katshitaikannit nenu uinipekunu *Saint-Laurent*, atusseun tutakaniti nete unaman-shipit. Ne atusseun tutakaniti tshipa tshi etatu matenimeu nenua innua minashkuau-atik^u, tanite shash an tshitapamakanu kie shash kushtakanu tshetshi meshti-nipaiakanit eukuan itakanipan nete uepishtikueiau-tshishe-utshimat, akamassit-tshishe-utshimau mak *Labrador* kie nenua utauat-tshishe-utshimau. Eukuan, tutakannit anite tshe taht minashkuau-atikuat tshipa put uitshikuat anitshenat atikuat tshetshi kau etatu mitshetiht.

Mak ashit, tshipa minuano tshetshi tshishe-utshimau aieshkushtat tshekuannu tshe tutak nete ua pitutepanitat shunianu kie atusseunnu ute tshiuetinit uepishtikueiau-assit mak tshetshi tshishpeuatak assia, tshetshi tshishpeuatak anite eshinakuannit assinu miam nenu tshe katshitaikannit meshanit atusseunnu tutakaniti. Eukuan kanapua, miam tutakaniti anite nanimissiu-ishkuteu nete shipit, tshipa put tshi tutakanu tshetshi passe shipua eka nita nutshitakaniti, tshetshi tshishpeuatakaniti.

Ek^u mashten, neme tshatapatakanit nete eshi-natuenitakanit takuaikanit *Loi canadienne sur l'évaluation environnementale*, ne mamuitun ka tshimanakanit tshetshi natu-tshissenitak atusseunnu ua tutakannit, patshitinam^u utaimun, apu tshika ut mishta-nanutakanit assi tutakaniti ne atusseun. Ne petshitinakanit aimun, tshipa ui mishkut pitama tutakanu tshekuan tshetshi eka shuk^u mishta-pikunakanit, tshetshi mishkutunakanit ne tshe pikunakanit mak tshipa ui nashatam^u nenu atusseunnu tshe tutakannit ne ka natashtat tshekuannu mak nenua mamuituna ka ishi-minikut tshika ui ashit nashatam^u.

Nete Uepishtikueiat ka tutakanit,

Mamuitun ka tshimatakanit tshetshi
natu-tshissenitakanit tshekuannu
nete ut (BAPE)

Mamuitun ka tshimatakanit tshetshi
mamu natu-tshissenitahk
tshekuannu

Michel Germain, utshimau

Michel Germain, utshimau

Louis Dériger, ka natu-tshissenitak

Jean-Guy Beaudoin, ka natu-
tshissenitak

Louis Dériger, ka natu-tshissenitak

Uitshiaushipanat umenu mashinaikannu etutakannit :
Jasmin Bergeron, ka tshitapatak mashinaikana
Isabelle Bernier-Bourgault, ka tshitapatak mashinaikana
Édith Bourque, ka tshitapatak mashinaikana
Sarah Devin, ka tshitapatak mashinaikana
Anne-Marie Gaudet, ka tshitapatak mashinaikana
Maryse Pineau, ka takuaimatak mamuitunnu
Jean Roberge, ka tshitapatak mashinaikana

Uitshikupanat nenua etutak atusseunnu :
Monique Gélinas, ka aiatinat kamashinaitsheshiniti nete mamuitunit
Nicholas Girard, nikan ka tat e pimutatakannit aimunnu
Danielle Hawey, ka pimutatat aimunnu
Lucie Lepage, kupaniesh nete kamashinaitsheshiniti

Tan etenitakanit, eshi-uapatakanit mak tan tshipa ui itatussenanu

(mashinateua neni miam ka ishpish unuipaniti nete mashinaikanit) Miam ka natuenitakanit, nimashinatai neni ka itenitakanit tshekuan mak ne tshekuan tshipa ui itatussenanu. Tshipa ui tshissenitenau ume, tshek ma ishinakuaki tshetshi mishkutunakanit tshekuan ute mashinaikanit, tshipa ui mishkutashtanau ashit neni atshitashuna.

Ne mamuitun ka tshimanakanit tshetshi natu-tshissenitak atusseunnu ua tutakannit uapatam^u nenua tutakaniti ushkutima tshetshi nanimissiu-ishkuteu tutakanit nete shipit, unaman-shipu, nashatakanu neme ka itenitakanit nete Uepishtikueiau-tshishe-utshiamat tan tshe ishpish ui kanuenitakanit ishkuteu, miam ka ui utitaikanit nete 2006-2015, miam ka ui tutak tshishe-utshimau tshetshi tutak nanimissiu-ishkutenu ashit nenua shipua.

Ne mamuitun ka tshimanakanit tshetshi natu-tshissenitak atusseunnu ua tutakannit uapatam^u nenu tutakaniti atusseunnu, anu tshika mishitakanu kie anu tshika shutshishimakan ne eshi-kanuenitakanit ishkuteu nete *Hydro-Québec*, nete tshe utshipanit mitshuap tshimatakaniti *Romaine-2* eshnikatet neme 2014, tshika uitshiku tshetshi ataatshet nanimissiu-ishkutenu nete upime.

Ne mamuitun ka tshimanakanit tshetshi natu-tshissenitak atusseunnu ua tutakannit uapatam^u umenu, neme ka itenitakanit tshetshi ishi-kanuenitakanit ishkuteu neme 2008-2017 nete *Hydro-Québec Distribution*, tshe ishpish ui apashtakanit ishkuteu kie tshe ishpish shutshishimakak ute Uepishtikueiat, nanitam tshika amatshuepanu nuash neme 2017.

Ne mamuitun ka tshimanakanit tshetshi natu-tshissenitak atusseunnu ua tutakannit uapatam^u nenu, *Hydro-Québec* ua natak ishkutenu tshika uemaim^u nenu tshipa ishpish ui apashtakannu ute uepishtikueiau-assit mak ashit, tshipa ui etatu apashtakanu ishkuteu nete 2012 mak 2017. Mak ashit, tshika ui natuapatakanu tanite tshe utinakanit ne ishkuteu neme 2009 tshetshi ishpananut neme tananuti 2010-2011 nuash 2016-2017.

Ne mamuitun ka tshimanakanit tshetshi natu-tshissenitak uapatam^u nenua meshtashutshipitaminiti *Hydro-Québec* tshetshi uitshi-atussemanakiniti kutaka atusseutshuapa ka mamishaniti, kanapue kanuenitam^u nenu nanimissiu-ishkutenu.

Ne mamuitun ka tshimanakanit tshetshi natu-tshissenitak atusseunnu ua tutakannit uapatam^u nanitam tshe amatshuepannit e natuenitakannit ishkutenu, etatu tshe ui apashtakannit mak etatu nenu ka shutshishimakanit, nete ua ataatshet *Hydro-Québec*. Mak ashit, nenu tshipa uitshiku tshetshi katshitinak eshi-natuapatak, nutim tshe ishi-nutepanit kie ma apishish, tshimatakaniti ushkutima kie ma mishkutunamatshet eshi-kanuenitak nete ka ataatshenanit tshekuan.

Ka itenitakanit ne tshekuan 1 Ne mamuitun ka tshimanakanit tshetshi natu-tshissenitak atusseunnu ua tutakannit uitam^u umenu, nenu tshe ishpish anupannit ishkutenu kie tshe ishi-shutshishimakanit tutakaniti ne atusseun, tshipa tshi mitshetupipuna minakanuat ishkutenu anitshenat upime ka taht Uepishtikueiau-assit mak ute pitute ui apashtakaniti ne ishkuteu.

Ka itenitakanit ne tshekuan 2 Ne mamuitun ka tshimanakanit tshetshi natu-tshissenitak atusseunnu ua tutakannit itenitam^u umenu, tshe ishpish natakanit ne nanimissiu-ishkuteu nete ushkutima tutakanitau tshika uitshiku nenu uepishtikueiau-tshishe-utshimau tshetshi uanasse kutakanu tshi natuapatak anite tshe utinak ishkutenu.

Ne mamuitun ka tshimanakanit tshetshi natu-tshissenitak atusseunnu ua tutakannit upatam^u umenu, ne ka ui tutak atusseunnu tshitapatamushapan nete upime tshetshi utinak nenu tshekuannu netuapatak mak ekue tshessenitak eka tshe mishkak anite kutakanu, shuniat kie tshe ishpish minikut miam nenu ka ui apashtat, mak at kutakanu tutakannit atusseunnu miam nenu eshinakuannit.

Ka itenitakanit ne tshekuan 3 Ne mamuitun ka tshimanakanit tshetshi natu-tshissenitak atusseunnu ua tutakannit itenitam^u umenu, peikuan iapit tekuannit tshekuannu tshe nashatak uetshipannit nete Utauat kie Uepishtikueiat, ne ka ui tutak atusseunnu apu mishkak kutakanu tshekuannu tshipa tutam^u miam eshinakuannit nenu.

Ka itenitakanit ne tshekuan 4 Ne mamuitun ka tshimanakanit tshetshi natu-tshissenitak atusseunnu ua tutakannit minuatam^u nenu ua itatussenanit tshetshi eka shuk^u pikunakanit kie katshitaikanit tshekuan mak tan tshe ishi-ueueshtat ne ka ui tutak atusseunnu mate nenua uapikuna, nipisha, mishtikua, shakaua tshe takaikaniti, nenu atusseunnu tutakanniti. Ne mamuitun ka tshimanakanit itenitam^u, ne tshe ishi-nashatakanit tshekuan, tshika tshi uapatamuat nenu tshetshi ma minupannit kie ma tshetshi kutakanu tshekuannu tutahk.

Uitakanu tshipa itatussenanu 1 Ne mamuitun ka tshimanakanit tshetshi natu-tshissenitak atusseunnu ua tutakannit uitamueu nenua ua tutaminiti atusseunnu tshetshi tshitapataminiti ashit nenua tshishe-utshimaua ka tshitapataminiti assinu e aitutakannit, tshetshi takut kutakanu tutak tshetshi minuanat missipa kie pineshua etaniti uinipekut, nete pessish tekuanniti ushkutima.

Ka itenitakanit ne tshekuan 5 Ne mamuitun ka tshimanakanit tshetshi natu-tshissenitak atusseunnu ua tutakannit tapuetam^u nenu essishueniti nenua tshishe-utshimaua *Développement durable, de l'Environnement et des Parcs*, ne tutakaniti atusseun tshe ishpishat, eukuan uet 649 ha unitakanit ne assit kie anite ka masekushkat. Tshipa ui kutak tshekuan tutakanu, miam mate tshipa ui uitakanu tan tshe ishi-kanuenitakaniti assia kie masekua ka apataki nete *MRC* ka ishinikatet *Minganie*, miam ka ishi-natashtat ne Utshimau kie ashit tshipa ui tutam^u tshetshi kanuenitakannit nenu peik^u tshekuannu.

Ne mamuitun ka tshimanakanit tshetshi natu-tshissenitak atusseunnu ua tutakannit uapatam^u umenu, unitakanitau assia kie neni messekua apu tshika ut takuannit anite tshe pineiauiht anitshenat 97 000 minashkuau-pineshishat, anitshenat ashit eka shuk^u ka mitshetiht, tshe ui natuapatahk anite tshe taht pessish tekuannit nenu nipinu tshe mauatshitakannit. Mishta-mitshetihtau minashkuau-pineshishat miam nete tutakanitau ushkutima, tshipa tshi mamashkamituat tshe taht mamitshetuait eshinakushiht pineshishat kie atut tshipa mishkamuat anite tshe taht mak tshipa atshupanuut ka itashiht pineshishat.

Uitakanu tshipa itatussenanu 2 Ne mamuitun ka tshimanakanit tshetshi natu-tshissenitak atusseunnu ua tutakannit shitshimeu nenua ua tutaminiti atusseunnu tshetshi nishtutuniti ashit nenua *Environnement Canada* tshetshi takut tshekuannu tutaminiti tshetshi atshupannit nenu tshe ishpish aitutatshenit nenu nipinu mauatakaniti mak nenu meshkananu takuaniti tshe tutakuht minashkuau-pineshishat. Tshipa put tshi etatu mishitakanua neni assia tshe tutakaniti tshetshi anakaniht aueshishat, tshipa tshi tutakanua utshishtuna tshetshi eka shuk^u mishta-unitakannit ka taht aueshishat eka shuk^u ka mitshetiht.

Uitakanu tshipa itatussenanu 3 Ne mamuitun ka tshimanakanit tshetshi natu-tshissenitak atusseunnu ua tutakannit shitshimeu nenua ua tutaminiti atusseunnu tshetshi tauashkaitshenit nete tshe mauatshitakanit nipi eshku eka pineiauiht minashkuau-pineshishat. Ne ka ui tutak atusseunnu, tshika ui uitamueu Environnement Canada, tan ishpish tshe mauatshitakanit nipi.

Uitakanu tshipa itatussenanu 4 Ne mamuitun ka tshimanakanit tshetshi natu-tshissenitak atusseunnu ua tutakannit shitshimeu nenua tshe tutaminiti atusseunnu tshetshi ashtauakaniht minashkuau-pineshishat nete tshe aitatussenanut, tshe tutakaniti neme assia pessish shipit mak tshe ui minat nenu ka aitatusset nenua Environnement Canada.

Uitakanu tshipa itatussenanu 5 Ne mamuitun ka tshimanakanit tshetshi natu-tshissenitak atusseunnu ua tutakannit shitshimeu nenua tshe tutaminiti atusseunnu tshetshi mashinataiminiti nenu tshe ui itatusseniti, nenua assia mak massekua tshe tutakaniti nete pessish shipit, tshe ui tshissenitakanit tshetshi ma takuenat anitshenat missipat mak kutakat pineshuat uetshipaniht nete uinipekut. Ne atusseun tshe ui tutakanit, tshipa ui aimuatakanu ashit ne Environnement Canada.

Uitakanu tshipa itatussenanu 6 Ne mamuitun ka tshimanakanit tshetshi natu-tshissenitak atusseunnu ua tutakannit shitshimu tshetshi etatu mitsheniti tshe tshikamutakaniti utshishtuna, anite tshe tueuiht missipat ka pineiauiht takut mishtikut tshetshi uitshiakanit ne Environnement Canada ua itatussenannit.

Ka itenitakanit ne tshekuan 6 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, tshipa ui uitamuakanu ne tshishe-utshimau Ressources naturelles et de la Faune tan tatu tshe ui tshikamutat ne Hydro-Québec utshishtuna, tshetshi apashtaht pineshuat.

Ka itenitakanit ne tshekuan 7 Peikuan iapit neni tutakanitau ushkutima mak nanimissiu-ishkuteu tshipa tshi tshitamutshenauat mushat nete upime, ne mamuitun ka tshimanakanit tshetshi natu-tshissenitak atusseunnu ua tutakannit apu itenimat tshetshi tshekuannu itiniti nenua musha, tshetshi eka meshti-nipiniti nete aishkat.

Ne mamuitun ka tshimanakanit tshetshi natu-tshissenitak atusseunnu ua tutakannit itenitamu nenu tutakaniti ne atusseun, anitshenat kupanieshat tshe taht kie ne meshkanau takuaki uetshipanit nete mishta-meshkanat 138 nuash nete tshe itamut mitshuapit tshe tutakanit nanimissiu-ishkuteu, tshipa tshi mamashiakanuat minashkuau-atikuat nete itetshe Minganie, anitshenat aueshishat ka kushtikuannit tshetshi mamishikuht nenua innua etatusseniti.

Ka itenitakanit ne tshekuan 8 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, neni tutakanitau ushkutima tshipa tshi nenu tshi matshi-tutuaku ne minashkuau-atiku. Atut tshipa mishta-mishanu nenu tshe ishi-katshitaukut mekuat pimipaniti. Kutakanu tshekuannu tshipa tshi takuannu tshe takaukut, miam ne tshe minupanit tshetshi itutenanut nete minashkuat, tanite tshika takuan nete meshkanau tshe itamat nuash nete mitshuapa tshe takuaki, anite tshe tutakanit nanimissiu-ishkuteu.

Ka itenitakanit ne tshekuan 9 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, nenu ka ui tutak Hydro-Québec tshetshi nashauat atikua anite etaniti e akunakaniht kie ma kapiminaniti e apatshiakaniti, minuanu nenu ua tutakanit atiku, tshipa tshi ut tshissenimakau e aiteit ne minashkuau-atiku. Nashauakanit tshipa tshi minu-tshissenimakau etashiht nete itetshe tshe atussenanit, tshetshi ashit nishtuapatakannit tanite etat mak tshetshi minu-nishtutakannit tan tshe ishi-katshitaukuht nenu atusseunnu kie tshe aitutakuht innua.

Ka itenitakanit ne tshekuan 10 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, minuanu anitshenat tshishe-utshimauat Développement durable, de l'Environnement et des Parcs mak Ressources naturelles et de la Faune, etusseshtahk anite tshe taniti nenua minashkuau-atikua nete itetshe shipit, unaman-shipu, mak nenua tshe uitshikuht akamassiu-tshishe-utshimaua, tshetshi tapishkut takuaki neni assia nete tshiuetinit. Tshipa ui shash tshissenitakanua tanite tshe takuaki neni assia eshku eka mauatshitakanit nipi.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu umenu, tutakaniti anite tshe mauatshitakanit nipi, tshika unitakanu eshinakuak minashkuat mak eshinakuak shipu, anite mani ka taht aueshishat ushakaia ka kanuenimaht mak apu tshekuan tshika ut tshi tutakanit tshetshi ueshtakanit ne tshe ishi-unitashunanut.

Ka itenitakanit ne tshekuan 11 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, tshika mishta-atshupanu atishkuat ka taht nete shipit unaman-shipu, miam tutakaniti ne atusseun. Miam ka ishi-natashtat ne ka ui tutak atusseunnu, tshipa minuanu ashtuakaniht amishkuat tshetshi nipaikaniht mak at tshetshi nissipanakaniht, tshetshi uniakaniht.

Ka itenitakanit ne tshekuan 12 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, tutakaniti atusseun tshika katshitauakanuat aueshishat, ushakaia ka kanuenimaht, nete ka taht upime assit anite nipi tshe pimikaut tshetshi ishikaut nete shipit pessish tekuak unaman-shipu, tshika tshitapakanu neme ka ui tutakanit tshetshi eka mishta-katshitaikanit tshekuan.

Ne mamuitun ka tshimanakanit uapatamu nenu assinu tshe unitakannit, anitshenat ka apishishisiht aueshishat kie etatu ka mishishtishiht aueshishat, neme mauatshitakaniti nipi mak tshika nipaikanuat anitshenat eka shuku ka mishanit anite etaht.

Ka itenitakanit ne tshekuan 13 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, neme tutakaniti atusseun apu tshika ut mishta-katshitauakaniht anitshenat, kuekuatsheu mak maikan, nete ka taht upime assit, anite nipi

tshe pimikaut tshetshi ishikaut nete shipit unaman-shipu, tshika tshi put teuat nete atussenanuti kie ma kataku kie mishanu anite tshe ituteht kie tshe taht uinuau.

Ka itenitakanit ne tshekuan 14 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, apu tshika ut mishta-katshitauakaniht aueshishat ka apishissishiht miam shikushish mak apikushishat ka ishinikatakaniht Campagnol-lemming de Cooper mak Campagnol des rochers, tanite mishta-mishanu anite etaht upime mak at anite tshe atussenanit.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu nenu tutakaniti nenu atusseunnu, etatu tshika mishanu anite tshe tat namesh nete natamit itetshe PK 51,5. Mitshetitauit anitshenat nameshat ekuta tshe taht tshe pimikaut metikat nipi mak at nete tshe tshishikaut nipi.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu nenua, neuait anite mauatshitakaniti nipi tutakanitauit ushkutima, tshika mishkutshipanu anitshenat nameshat ka itashiht mak ne tshe ishi-mishkutshipanit apu nishtutatuht anitshenat Pêches et Océans Canada mak ne ka ui tutak atusseunnu. Eka tshitapatakanit ne tshe ishi-katshitanakanit kie ne tshe ishi-unitakanit nete nikan, ne mamuitun ka tshimanakanit tshetshi natu-tshissenitak atusseunnu uapatamu ashit nenu, anitshenat utshashumekuat, ka minuatakannit tshetshi kushkatakaniht, apu tshika ut mishtakanieupanit.

Uitakanu tshipa itatussenanu 7 Ne mamuitun ka tshimanakanit tshetshi natu-tshissenitak atusseunnu ua tutakannit shitshimeu nenua ua tutaminiti atusseunnu tshetshi minunakatuenitakanit tshetshi eka mitshimushiniht nameshat anite nipi paunakaniti, shash anite nanimissiu-ishkuteu tshe pimipaniht, nete ut nipi tshe shikupatinakanit tshetshi nutuenakanit ushkutim. Neme tshe ishinakuak tutakaniti tshipa ui minakanu nenu Pêches et Océans Canada mak ne tshishe-utshimau Ressources naturelles et de la Faune mak tshipa natuenitamuanu tshetshi nutenakanit anite tshetshi eka mitshimushiniht nameshat.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu nenu, tshikanakuan an tshekuan tshe ishinakuak nete tshe ishpish uniakanit matameku (Omble de fontaine) mak tshe itatussenanut tshetshi eka shuku mishtakatshitauakanit miam ka ishi-natashtat ne ka ui tutak nenu atusseunnu. Mak ashit, animanutak tshetshi kutak tshekuan tutakanit ne tshe ishi-unitashunanut, eukuan ne muku tshe ui ishinakuak, tshika ui kau nitautshiakanuat nameshat nete nipia eka etat namesh.

Ka itenitakanit ne tshekuan 15 Tshessenitakanit meshta-mitsheki nipia, eka etaht nameshat, tekuaki upime nete assit anite tshe pimikaut nipi kie tshe ishikaut nete shipit, unaman-shipit, ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, ne ka ui tutak atusseunnu tshipa ui nitautshieu namesha nete passe nipia tekuaniti mak tshipa ui akua tutamu nenua nipia pessish anite etaniti nenua missipia miam ne mamatau-mishikushku (Garrot d'Isalande) ka ishinikatakanit.

Ka itenitakanit ne tshekuan 16 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu nenu ka minuanua eshi-natashtat ne ka ui tutak atusseunnu, tshetshi nitautshinakanit kukamess nete tshe mauatshitakanit nipi neme ushkat ushkutim tutakaniti Romaine 1, tanite mitshet ka kusseuati minuateuat nenua namesha. Muku, ne mamuitun uitamu nenu tshe ishpish kau kanieuananut itatussenanuti anu anite peikunnu tatuau nashiku eshpish unitakanit neme tutakaniti atusseun, ne namesh e uauinakanit.

Ne mamuitun uapatamu nenu tshe ishpish ui katshitinakanit tshekuan miam ka itenitak ne ka ui tutak atusseunnu, tshi nitautshinakaniti nenua uanana nete tshe mauatshitakanit nipi nete Romaine 4, tshipa anu mitshetuat mak at ka itashiht nameshat, tshe nipiht nemenu tutakaniti atusseunnu. Muku ne tshipa ishpish takut kau katshitinakanuat apu shuku tapuetak ne Pêches et Océans Canada, tanite apu taht anite kutakat nameshat ka ishinikatakaniht kauataueshishat (Éperlan arc-en-ciel) nete nipia.

Uitakanu tshipa itatussenanu 8 Tshetshi nasht minupanit neme tshe nitautshiakaniht uananat, ne mamuitun ka tshimanakanit tshetshi natu-tshissenitak atusseunnu ua tutakannit shitshimeu nenua ua tutaminiti atusseunnu mak nenu tshishe-utshimaua Pêches et Océans Canada mak nenu ministères des Ressources naturelles et de la Faune, tshetshi ashit tshi nitautshinanihue ne kauashtaueshish nete tshe mauatshitakanit nipi Romaine 4.

Uitakanu tshipa itatussenanu 9 Tshessenimakanit ne eshinakushit namesh, ne mamuitun ka tshimanakanit tshetshi natu-tshissenitak atusseunnu natuenitamu tshetshi atutakaniti nishuau eshpish, nenua shushashuia (omble chevalier) nete itetshe nipia eka etaht nameshat. Ne ka ui tutak atusseunnu tshipa ui tapuetatuat ashit nenua Pêches et Océans Canada mak nenu ministère des Ressources Naturelles et de la Faune tshe itashiniti nenua namesha. Muku, ne ka ui tutak atusseunnu tshipa ui natuapatamu nenua nipia eka tshe taniti nenua missipa, mamatau-mishikushku ka ishinakushinueni.

Uitakanu tshipa itatussenanu 10 Tshissenitakuannu nenu ua natashtat ne ka ui tutak atusseunnu, atut tshipa ishpannu nenu kau ueueshtat nenua tshe ishpish uniakaniti matamekuat, kukamessat mak uananat nete natamit, ushkutim takuaki neme Romaine 1. Eukuannu uet ne mamuitun ka tshimanakanit tshetshi natu-tshissenitak atusseunnu shitshimu tshetshi kutakanu tshekuannu tutakannit mak tshetshi natashtuakanit ne Pêches et Océans Canada mak ne ministère des Ressources Naturelles et de la Faune. Tshipa tshi ashit ashtauakanuat kutakat nameshat ka minuatakaniht miam ne utshashumeku, mak tshipa tshi itatussenanu nete shipit, unaman-shipu kie ma nete upime kutaka etatu meshaniti nipinu tekuannit.

Ka itenitakanit ne tshekuan 17 Tshissenimakanu eshpitenitakushit ne utshashumeku mak nenu eka tshessenitakuannit tshe aitutakut nenu nipinu tshe ishpitakamitenit nete shipit, ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, tshipa ui tutakanu tshekuan tshetshi eka shuku mishta-mishkutshipaniti ne eshpitakamitet nipi. Eka tshi tutakaniti tshekuan kie ma mishta-animaki, tshipa ui kutak tshekuan mishkakanu.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu nenu, tshe ishpish ishikautakanit nipi, miam eshi-natashtat ne ka ui tutak atusseunnu, nete shikuaki, nipiki kie pepuki tshika uitshikutshe nenu utshashumeku ka tat nete shipit, unaman-shipu.

Uitakanu tshipa itatussenanu 11 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu nenu, nakatuapatakanitau neni amumeshana tshe tutakaniti miam eshi-natashtat ne ua tutak atusseunnu, tshipa tshissenitakanu tshetshi minuakue ne tutakaniti. Tshek ma eka minupaniti ne tshekuan, eka minuatakau anitshenat utshimauat etaht nete Pêches et Océans Canada mak ne ministère des Ressources naturelle et de la faune, ne mamuitun shitshimu tshetshi ueueshi-tshitapatakanit tshe ishi-pimikautakanit nipi tekuatshiki.

Ka itenitakanit ne tshekuan 18 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, atut tshipa minau tshetshi tutakanit tshekuan unitakaniti anite tshe taht tshinusheu tanite tshipa tshi mamashiueu ne ua tshishpeuatakanit ne utshashumeku ka tat nete shipit, unaman-shipu.

Ne mamuitun ka tshimanakanit tshetshi natu-tshissenitak atusseunnu ua tutakannit, uapatamu minuat tshe natu-tshissenitakannit eshku eka tutakaniti nemeni ushkutima, tan tshe ishanit ueshamipiati, tan tshe ishi-katshitaikaniti ashinissa anite tshe amuht utshashumekuat. Ne natu-tshissenitakaniti tshekuan, tshika uitshiku ne Pêches et Océans Canada mak ne tshishe-utshimau ministère du Développement durable, de l'Environnement et des Parcs tshetshi uitshikut ui tutaki atusseunnu tshetshi nakatuenitakanit ueshamipiati mak tshetshi uitakanit tshekuan tshe apashtakanit tutakaniti atusseun.

Uitakanu tshipa itatussenanu 12 Tshessenimakanit eshpitenitakushit ne utshashumeku, mamuitun ka tshimanakanit tshetshi natu-tshissenitak ua tutakannit atusseunnu itenitamu tshipaikanniti shipinu ishikautakaniti nipi neme kutak ushkutim tutakaniti Romaine 2, tshipa tshi tshishue katshitauku nenu utshashumeku eka tshekuan tutakaniti. Ne mamuitun ka tshimanakanit tshetshi natu-tshissenitak atusseunnu ua tutakannit shitshimu tshetshi mishkakanit kutak tshekuan tshe tutakanit tshetshi eka shuku mishta-aitutuakanit ne utshashumeku ne ashit tshipa uitatussemakanuat tshishe-utshimauat Pêches et Océans Canada, ministère du Développement durable, de l'Environnement et des Parcs mak ne ministère des Ressources naturelles et de la Faune. Uesham animaki (shuniat) tshekuan tshetshi tutakanit, tshipa ui kutak tshekuan tutakanu.

Ka itenitakanit ne tshekuan 19 Ne mamuitun ka tshimanakanit tshetshi natu-tshissenitak atusseunnu ua tutakannit minuat uitamu meshta-apatannit tshetshi minu-tshitapatakannit tshekuannu tshe tutakannit tshetshi eka shuku mishta-aiatshipanit ne tshe itakamitet nipi nete shipit mak nipi mauatshitakaniti nete kutak ushkutim Romaine 2 tutakaniti.

Ka itenitakanit ne tshekuan 20 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu ka-minuanua nenu eshi-natashtat ne ka ui tutak atusseunnu, nenu tshe aitutuakaniti utshashumekua. Tanite tshissenitakuan apu tshekuan kutak tshika ut tshi tutakanit takut tshetshi uitshiakaniht utshashumekuat mak tshek ma mishta-animaki neme kutak tshekuan natashtakaniti tshetshi tutakanit. Muku ma uin, tshetshi

eka shuku mishta-aitutakanit assi tshipa ui mishkutashtakanu, tshek ma ne atusseun ua tutakanit tshitshipananut eshku eka mauatshitakanit nipi tshetshi eka mishkutunakanit ne tshekuan tshe ishi-unuipanit.

Uitakanu tshipa itatussenanu 13 Tshi tutakanit ma ne kassinu tshekuan ua tutakanit kie eka shuku mishta-animatshitakanit tshetshi tutakanit nete shipit, unaman-shipu, ne mamuitun ka natu-tshissenitak atusseunnu shitshimu tshetshi atusseshtakannit kutakanu tshekuannu ashit. tshetshi patshitinakanit ne ut utshashumeku, mate tshipa tshi shipu kutak aitutakanu miam ne Kaminukapeu shipu mate. Ne tshe ishi-patshitinakanit anite tshekuan, tshipa ui aimutakanu ashit ne Pêches et Océans Canada mak ne kutak tshishe-utshimau ministère des Ressources naturelles et de la Faune.

Ne mamuitun ka natu-tshissenitak atusseunnu ua tutakannit uapatamu nenu, tutakaniti ka mishat atusseun, tshika takaikanu ne apishish tshe ishi-mishkutshipanit kie tan tshe ishpishikaut nipi ne shipit, unaman-shipu. Mak ashit, tshipa tutamat tshetshi mishta-atshupannit nenu tshe ishpish niuashinit

Ka itenitakanit ne tshekuan 21 Ne tshe ishi-mishkutshipanit nipi kie ashit tshe ishi-pimikaut mak neme tshipa tshi put unipananu ka itenitakanit tshe ishpish tshekuan pimikautakanu atamit nipit ka takuak, ne mamuitun ka tshimanakanit tshetshi natu-tshissenitak atusseunnu ua tutakannit itenitamu tshipa tshi ishinakuan tshetshi anu mishta-itsheuepaniti ashinissa kie nekau tekuak atamit nipit, tshe ishikauti nete uinuat shipit, miam tutakanitau ushkutima, mak at nenu ka itenitak ne ka ui tutak atusseunnu.

Uitakanu tshipa itatussenanu 14 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, atshupaniti neme tshe ishikaut nete innipi mak ne tshekuan atamit nipit ka takuak nete itetshe uinuat shipit, unaman-shipu neme miam tutakanitau ushkutima, tshipa put mishkutinakanua eshi-nitautshiki nipisha ka takuaki atamipekut. Mishta-apatana neni eshinakuaki tshetshi minupanit anite tekuak kie eshi-nitautshik, shitshimu tshetshi minu-tshitapakaniti neni nipisha, mashkushua tekuaki atamipikut nete uinuat shipit, kie tshipa ui minuenitamiku ne tshishe-utshimau Pêches et Océans Canada.

Uitakanu tshipa itatussenanu 15 Ne mamuitun ka tshimanakanit tshetshi natu-tshissenitak atusseunnu ua tutakannit shitshimu tshetshi nakatuapamakaniht anitshenat etashit eshat nete itetshe uinuat shipit unaman-shipu, ne ka ui tutak atusseunnu tshipa ui itatusseu nenu kie nasht eshpish minuenitaminiti nenu Pêches et Océans Canada.

Uitakanu tshipa itatussenanu 16 Ne mamuitun ka tshimanakanit tshetshi natu-tshissenitak atusseunnu ua tutakannit shitshimu tshetshi nakatuapatakanit anite tshe nitautshiht kashkanamekuat nete uinuat shipit, unaman-shipu, tshipa ui nakatuapamakanuat nasht eshpish minuenitamiakanit Pêches et Océans Canada.

Uitakanu tshipa itatussenanu 17 Ne mamuitun ka tshimanakanit tshetshi natu-tshissenitak atusseunnu ua tutakannit shitshimu tshetshi natuapatakannit tanite ne kauataueshishat iamuhit nete uinuat shipit, tshipa ui etap natuapatakannu eshku eka mauatshitakanit nipi nete ushkutima tutakanitau mak ne Pêches et Océans Canada tshipa ui uemut natuenitamu

tshetshi natu-tshissenitakanniti tan tshe ishi-katshitaikanniti nenua mishkakanakau mak tshika ui uitamu uin tshetshi ma minuanikue tshetshi nakatuapatakanit nenu.

Uitakanu tshipa itatussenanu 18 Ne uinuat shipit, unaman-shipu ishi-uapakanu miam meshta-uenutishimakaki tanite ekute etaht mitshet pineshishat kie missipat mak mishkutshipaniti nete tshekuan miam etenitakanit tshe ishinakuak tutakaniti atusseun, ne mamuitun ka tshimanakanit tshetshi natu-tshissenitak atusseunnu ua tutakannit shitshimeu nenua tshe tutaminiti atusseunnu tshetshi nakatuenimat nenua pineshisha, nenua tshitshue tshinasha e aishinakushiniti mak nenua kutaka aiapanisha (bécasseau maubèche). Tshipa ui eshku aimuatakanu tan tshipa ishi-ueueshtakanu kie tshekuan tshipa tutakanu ashit ne tshishe-utshimau assinu ka tshitapatak Environnement Canada.

Ne mamuitun ka tshimanakanit tshetshi natu-tshissenitak atusseunnu ua tutakannit uapameu nenu Pêches et Océans Canada tapuetamueu eshi-patshitamininiti aimunnu nenua Hydro-Québec, neme tutakaniti atusseun, nanimissiu-ishkuteu tutakaniti atut tshipa shuku katshitaikanu ne eshi-nitautshik tshekuan atamit nipit nete ka takuak unipekut nete uinuat shipit.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu umenu, nete etaht papatishat mak papemituteuat nete uinuat shipit, nete uinipekut, apu utitaukuht nenu nipinu tanite anu nete taukam takuannu nenu etaht nete tshe utshipannit nipinu nete unaman-shipit mak ne atusseun tutakaniti apu tshika ut mishtakatshitaauakaniht anitshenat e nishiht. Eukuan iapit tshe ishinakuak anitshenat kutakat eshat kie nameshat uinipekut ka taht, uinuat nete shipit.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu nenu, ne atusseun tutakaniti tshika katshitaaukat aueshishat ka taht nete uinipekut ka mitshishut nete uinuat shipit, atshupanitau kashkanamekuat kie kauataueshishat, tanite eukuannua nenua uemuaht. Muku ne uin Pêches et Océans Canada, apu tshika ut mishtakatshitaaukuht nenu aueshishat ka taht nete unipekut iu.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu nenu, ne tutakaniti atusseun tshipa tshi put tshi etatu mitskena tshe nitautshiki shashapina eka ka minuati nete shipeku Saint-Laurent, apu tshika ut ishinakuak itenitamuat anitshenat etaht nete Pêches et Océans Canada.

Uitakanu tshipa itatussenanu 19 Tshetshi uitshiaushinanit nete aishkat natu-tshissenitakaniti tan tshe ishi-katshitaikaniti tshekua tshi tutakanitau neni ushkutima nete itetshe shipeku tekuak Saint-Laurent, ne Pêches et Océans Canada natu-tshissenitaki atusseunnu. Ne mamuitun ka tshimanakanit tshetshi natu-tshissenitak atusseunnu ua tutakannit shitshimeu nenua Hydro-Québec tshetshi shash natu-tshissenitaminiti tan tshe ishpish takuaniti tshekua nete atamit nipit uinuat shipit, unaman-shipit.

Ka itenitakanit ne tshekuan 22 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, nitautshinakanitau nameshat nete passe nipia ka takuaki pessish tshe manukashunanut kie nete pessish pemamut meshkanau, ka itamut nete etussenanut mak ashit uitamuakanitau anitshenat kupanieshat tshipa uitshieua

tshetshi eka mishta-kussenanut miam tshimatakanitau neni ushkutima. Muku ne ka ui tutak atusseunnu, tshipa ui kutshipanitau tshetshi eka nitautshinat namesha nete nipia eka etaniti namesha tshetshi natshi-kusseht auenitshenat.

Ka itenitakanit ne tshekuan 23 E tshissenitakanit eka shuku matshetiht anitshenat niatshikusseht nete itetshe tshe mauatshitakanit nipi mak matshetiht anitshenat matamekuat (Omble de fontaine) nete itetshe etananut, ne mamuitun ka tshimanakanit tshetshi natu-tshissenitak atusseunnu ua tutakannit itenitamu eka shuku tshe mishta-mamashitakanit ka kussenanut, tutakanitau ushkutima. Tanite anu tshika minupanu tshetshi itutenanut nutshimit mak nitautshinakanitau anite nameshat nete upime, ka minuataht ka uitshi-kusseht tshipa tshi kussenanu nete eka nita ka itutenanut mani.

Ka itenitakanit ne tshekuan 24 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, ne tshishe-utshimau ministère des Ressources naturelle et de la faune mak nenua ashit tshipa uitshiku ka ui tutaminiti atusseunnu, tshipa ui minu-tshitapatamuat tshetshi eka mishta-nutshikuakanit utshashumeku mak tshetshi iapit nashatakanit eshi-kussenanut miam neme mauatshitakaniti nipi nete Romaine 2.

Ka itenitakanit ne tshekuan 25 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, ne ka ui tutak atusseunnu minu-patshitinaki aimunnu mak minu-uitamuati tan tshe aitatussenanit kie tshe ishi-pimutenanit nenua ka kusseniti ka ui kushkatakaniti utshashumekua, tshipa nakatuenitakanu tshetshi eka uesham nipaikanit ne namesh.

Ka itenitakanit ne tshekuan 26 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, ne ka ui tutak atusseunnu tshipa ui unuipanitau ka ishi-natu-tshissenimakaniti utshashumekua tan tshe aitutuakaniti, tshetshi uitshiat nenua ka kusseniti tan tshe ishi-nakatuapataminiti, tan tshe ishi-kusseniti, tanite eukuan tshe ishinakuak tutakaniti atusseun.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu umenu, aimituht mamu kassinu auenitshenat, mamu aimuatakanit ne utshashumeku tshe aitutuakanit miam ne ka ishi-natashtat ne ka ui tutak atusseunnu, tshipa minupanu ne atusseun ua tutakanit, ua minuanakanit ne utshashumeku, tshetshi ashit minupanit ne ka kussenanut nete shipit, unaman-shipu.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu umenu, meskanau tutakaniti neme atussenanut, ushkutima tutakanitau, tshipa tshi ishinakuan tshetshi mamitshetuait nete nutshimit ituteht kanataushiht mak at tshetshi anu mitshetiht.

Ne mamuitun ka tshimanakanit tshetshi natu-tshissenitak atusseunnu ua tutakannit uitamu umenu, tshetshi tutakanit tshekuan tshetshi minunakutakanit assi mak tshe itutenanut uanasse minashkuat tshetshi manukatishunanut mak tshetshi papamutenanut assit, anitshenat kupanieshat etusseht utenassit tshika tshitapatamuat nenu, miam ne MRC de Minganie kie ne ministère des Ressources naturelle et de la Faune.

Ka itenitakanit ne tshekuan 27 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, ne tshe tutak atusseunnu tshipa natshi-aimieu nenua ka pimishkashiniti kayak utit tshetshi shash nishtutatuht tan tshe ishi-uitamuakaniht tshe ishpish minuanit tshetshi papamishkat nete pessish ashukanu tekuannit nete mishtamashkanat 138.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu umenu, ne tutakaniti atusseun, tshika katshitaikannu anite mani ka natshikuesseht innuat utshashumekua, nete tshika katshitaikannu tananuti pipun 2014-2016.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu nenu, ne atusseun tutakaniti tshika katshitaikannu anite mani ka natauiht kie ka ashtaht utassikumanuaua innuat pepuniti, anitshenat ekuanitshiinnuat anat tshe takaukuht nenu, ka apashataht mani nenu shipunu tshetshi ituteht kie ma ishpataht nete ka natauiht, innu-aitunnu ka aitatusseht. Tshipa tshi mishkut pimipatauat nemenu meshkananu tutakaniti mak ne tshe ishinakutaniti nenua ua tutaminiti atusseunnu, tshetshi teshkamipataht shipinu nishkitua apatshiatau.

Ka itenitakanit ne tshekuan 28 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, neni mamuituna ka nashatakanit atusseun tshimatakanitau tshi nishtutatunaniti nenu tshe ishi-katshitaukuht mak tshekuannu tshe minikuht atusseunnu, ne ka ui tutak atusseunnu mak anitshenat Ekuanitshit, tshipa ui anite takuan tshetshi natshi-minakaniht aimunnu mak natshi-uitamuakaniht anitshenat innuat kuesseht tan tshe itatussenanit, tanite etananit etutakanit atusseun mak nenu nipinu tshe itapashtakannit anite atussenaniti.

Ka itenitakanit ne tshekuan 29 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, ne innu-takuaikan Ekuanitshit, uin ka tshitapamat utinnima kie ka nashatak eshi-kusseniti utshashumekua, tshipa ui uitshi-atussemeu nenua tshishe-utshimaua Ressources naturelles et de la Faune tshetshi minu-uauitamuakaniht innuat miam ka natashtat ne ka ui tutak atusseunnu.

Ka itenitakanit ne tshekuan 30 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, nete tshe nishtutatunanut nenu tshe ishi-katshitaukuht mak tshekuannu tshe minikuht atusseunnu anitshenat Ekuanitshit, ne ka ui tutak atusseunnu tshipa ui tutamu tshetshi nakatuapatakannit eshi-kussenanit kie tshetshi minu-nashatakanit ne eshi-kussenanut utshashumekua nete shipit, unaman-shipu.

Ne mamuitun ka tshimanakanit tshetshi natu-tshissenitak atusseunnu ua tutakannit minuenitamu tshe aitatusseniti nenua ka ui tutaminiti atusseunnu, tshetshi minukanuenitakanit ka ishi-mishkakanit anite atamit assit.

Ka itenitakanit ne tshekuan 31 Ne mamuitun ka tshimanakanit tshetshi natu-tshissenitak atusseunnu ua tutakannit tapuetueu etenitaminiti Hydro-Québec tshetshi shitshimat ukupaniema mamu uitapamituniti kie tshetshi mamu pushiakaniht anitshenat tshe atusseht. Kassinu mamu anitshenat ishitatshimakanitau kupanieshat mak uitamuakanitau tshetshi

mamitshetupushiht atut tshipa mitshetuut mishkut utapanat nete mishta-meshkanat 138, tshipa uanasse minu-pimipatananu.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu nenu tekuannit pakupeutshikanu nete Uepimishkat, apu nanakuak nete tshe atussenanit, tshipa tshi apashtauat anitshenat tshe atusseshtahk mak anitshenat tshe itishaikau tshekuannu e mamitshenit kie e mishanit, tshetshi apashtat nenu tekuannit pakupeutshikanu.

Ka itenitakanit ne tshekuan 32 Tshetshi eka mishta-pimipaituht mishta-utapanat mak tshetshi minuut uetinakanit ne ishkuteu, ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, ne Hydro-Québec tshipa ui shitshimeu nenua ukupaniema tshe atusseniti tshetshi apashtaniti pakupeutshikanu tekuannit tshetshi petaniti nenu tshe aitapashtaniti tshekuannu, muku nenu itatussetau ai apu tshika ut ui uakaiakanit anitshenat etaht Uepimishkat.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu umenu, tshika mishta-apashtakanua mitshuapa anite tshe apiht kupanieshat tshe natshi-atusseht nete Uepimishkat mak nete kutaka utenassa ka takuaki nete Minganie, ishinakuaki ne, tshipa ui ueueshtakanua kie minutakanu ne eshi-takuaki mitshuapa nete utenat kie tshipa ui tshimatakanu anite tshe itapashtakanit tshekuan Uitakanipan shash anite shuniau tshe ashtakanit tshetshi ueueshtakanit tshekuan mak tshetshi tshishikashunanut manutshenanuti, miam ka ishi-nishtutatuht Hydro-Québec mak ne MRC de Minganie.

Ka itenitakanit ne tshekuan 33 Tshetshi eka mishta-tshikauet pemipatananuti nete meshkanat, ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, Hydro-Québec tshipa ui tutamu tshetshi eka shuku mishta-utapana mishta-pimipaituniti tepishkaniti nete meshkanat, ka ishpataniti kie ma ka utshipaituniti nete etussenanit. Tshipa ui natu-tshissenitamu Hydro-Québec eshi-tshikauemakannit.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu umenu, ne Hydro-Québec tshipa ui natuenitamu tshetshi nashataminiti nenua ukupaniema eshi-tatueuetakanit miam nete ka ishi-takuaimatakaniti ashinia mak nekau.

Ka itenitakanit ne tshekuan 34 Tanite tshipa mishta-tshikauapanu apatshikanit kauikueut (sheuekatsheu) neme atussenanuti miam neme iapit utapana pemipanikau meshkanat, ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, ne Hydro-Québec tshipa ui shash tshissenitamu tanite tshe pimipaniht, tshetshi kataku anite mitshuapa tekuaki kie ma ka taht auenitshenat.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu umenu, tshika nakatuapamakanuat Hydro-Québec ukupaniema tshetshi eka mishta-uepashtataht tshekuannu tshe neneshtakannit, pemipataui mishta-utapanat nete meshkanat mekuat atussenanuti.

Ka itenitakanit ne tshekuan 35 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, peikuan iapit eka mishta-katshitaikaniti ne tshe neneshtakanit tshishiku anu mitshetitau mishta-utapanat pemipaituht mishta-meshkanat 138, Hydro-Québec tshipa ui iapit shitshimu tshetshi eka mishta-mishetiniti mishta-utapana, tshetshi atshupanit ka kushtikuak tshetshi neneshtakanit, tshetshi eka auen akushit.

Ka itenitakanit ne tshekuan 36 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, ne tshishe-utshimau ministère des Ressources naturelles et de la Faune tshipa ui tutamu tshetshi minu-aimituniti nenua innua mak mishtikushua mak tshipa ui tutamu tshetshi eka mashikatunanit ashit, tshek ma ishinakuaki tshetshi ishpanit tshekuan.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu umenu, mishta-kushtikuan tshetshi eka minupanitunanit neme atussenaniti nete shipit unaman-shipu, tanite mitshetupipuna eshpish tshika mishta-mitshetuat anite tshe atusseht, 2000 tshika itashuat kupanieshat tshe ituteht nete nutshimit, assit.

Ka itenitakanit ne tshekuan 37 Tshetshi eka mashikatunanit neme tshe ishpish tshimatakaniti ushkutima, ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, ne ka ui tutak atusseunnu, tshipa nanitam minu-patshitinamu tipatshimunnu nete etaniti mishtikushua (Minganois) mak nenua innua.

Ka itenitakanit ne tshekuan 38 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu, ne ka ui tutak atusseunnu tshika mishta-apatannu tshetshi pimutatat aimunnu nete tshe aitatusseunanit kie ashit tshetshi natu-tshissenitak eshpanit mak tshe ui minikushit aimunnu. Mishta-apatannu tshetshi natu-tshissenitakanit eshpanit, tshetshi ashit eka mishta-mishat anite animun mekuat manutshenanuti, tanite tshika mishta-mishau anite tshe tananut mak mitshetupipuna neme tshe atusseshtakanit kie mitshet tshekuan tshe katshitaikanit nete minashkuat.

Ka itenitakanit ne tshekuan 39 Ne mamuitun ka tshimanakanit tshetshi natu-tshissenitak atusseunnu ua tutakannit minuenitamu tshe tutakannit tshekuannu, ne ka ui tutak atusseunnu tshika ui tutamu tshetshi mishta-pitutepannit shunianu nete tshiuetinit nemenu miam tutakaniti atusseunnu nete shipit, unaman-shipu.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu eka kenuenitaminiti nenua innua atusseutshuapa anitshenat innuat ka taht innu-assit mak tshe takaukuht atusseunnu, tshipa tshi uitshikupanat nenu atusseunnu tshetshi ushuniamikatishut.

Ka itenitakanit ne tshekuan 40 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, anitshenat etaht innu-assit tshipa ui uitshiakanuat tshetshi tshitshipanituatishuht atusseutshuapa, ui katshitinakau atusseunnu nemenua ushkutima tutakanikau.

Uitakanu tshipa itatussenanu 20 Ne mamuitun ka tshimanakanit tshetshi natu-tshissenitak atusseunnu ua tutakannit, shitshimeu nenua tshishe-utshimau atushkana ka tshitapataminiti, ministère du Développement économique, de l'Innovation et de l'Exportation

du Québec mak nenua Développement économique Canada pour les régions du Québec, tshetshi uitshiakaniti innua tshetshi tshitshipanituatishuniti innu-atusseutshuapa mak tshetshi uitshiaht etap, tshetshi mishanit shunianu kie atushkana tshe katshitinahk nete innu-assit, anitshenat tshe takaukuht nenu atusseunnu.

Ka itenitakanit ne tshekuan 41 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, ne ka ui tutak atusseunnu tshipa ui mineu innu-kaitusseshiniti tshetshi natshi-atusseniti nete atusseutshuapit tshetshi tshishkutamatishuniti, ashit nenua katshishkutamatsheutshuapa nete tshiuetinit ka takuaniti tshipa tshi uitshikuat.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu umenu, neme tutakaniti atusseun, atut tshipa mishta-mishkutshipanu nete tshekuan eshku tshe takuak tshetshi kushkatakanit nete unipekut.

Uitakanu tshipa itatussenanu 21 Ne mamuitun ka tshimanakanit tshetshi natu-tshissenitak atusseunnu ua tutakannit shitshimu tshetshi nashatakannit atusseun tshe tutakanit tshetshi minuenitamiakanit Pêches et Océans Canada, tshetshi nasht uemut tshissenitakanit eshku tshe takuak tshekuan nete uinipekut tshe kushkatakanit nete uinuat shipit, unaman-shipu mak tshipa ui uitamuakanu eshpannit. Tshek ma ishinakuaki tshetshi matenitakuak tshekuan nete kuessenanut, ne ua tutak atusseunnu tshipa ui tshishikueu nenua ka kusseniti tshe takauakaniti.

Ka itenitakanit ne tshekuan 42 Ne mamuitun ka tshimanakanit tshetshi natu-tshissenitak atusseunnu ua tutakannit, natashtau umenu, nenu tshekuannu tshe ui nakatuapatak ne ua tutak atusseunnu, eukuannua nenua atushkana tshe ishi-patshitinakaniti neme tutakaniti atusseun nete utenassa tekuaki, mishtikushuat kie ma innuat tshe minakaniht. Neme ka ishi-kukuetshimunanit, tshe itishauakaniht netshenat ua atusseht nete tshe atussenanit, anitshenat ka ui etatu kanieuiht. Tshipa put tshi ishinakuan tshetshi nutepaniht kupanieshat tshe atusseht nete utenat, miam anitshenat tshe atusseht nete maniteuat ka ashuapamakaniht, anitshenat tshe kusseht, tshipa ishinakuan put. Nemenu tshe mishkutshipannit utinniunuu, tshipa put tshi ishinakuan tshetshi nakatuapatakanit tanite tshika mishkutshipannu ka ishinnuht kie tshipa put ui uitshiakanuat.

Ka itenitakanit ne tshekuan 43 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu: Ne ka ui tutak atusseunnu mak ne atusseutshuap ka nakatuapatak akushunnu mak minuinniunnu nete tshiuetinit, tshipa ui minu-nakatuapatakanu kie minu-aieshkushtakanu tshe tshishkutamuakaniht innuat mak tshe ui pitukaiakaniht nete tshe atussenanit tutakanitauit ushkutima. Ne uet tutakanit, tshetshi mishta-mitshetiht innu-kaitusseshiht nete tutakaniti atusseunnu.

Ka itenitakanit ne tshekuan 44 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu : Ne ka ui tutak atusseunnu tshipa ui aimuatamu ashit nenua ka kanuenitaminiti katshipaikanisha nete Uepimishkat kie nete upime tekuaki utenaua mak ashit ne atusseutshuap ka atusseshtuat maniteua tekushinitauit, tshetshi ka natshi-maniteuiht mishkau-nipat miam mishta-mishati atusseun.

Ka itenitakanit ne tshekuan 45 Tshika uitshiakanuat anitshenat kaitusseshiht nete tshe manutshenanut, tshika natukuiakanuat mak tshika uauitshiakanuat. Apu tshika ut mishtamitsheht auenitshenat tshe natshi-apiht ute Minganie. Ne mamuitun ka tshimanakanit tshetshi natu-tshissenitak atusseunnu ua tutakannit apu uitak tshetshi mishta-animunanit tshetshi mishkakaniti mitshuapa mak tshetshi mishta-apashtakanit ne ka uitshiakanit auenanimuti neme tutakaniti atusseun.

Ka itenitakanit ne tshekuan 46 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu : ne ka ui tutak atusseunnu tshipa ui uitshi-atussemeu nenua atusseutshuapa ka uitshiakaniti auenua ianimumiti, tshetshi tshiuinak natu-tshissenitakaniti tshekuannu mak tshetshi minupaniti anite tshe aitatusseniti nete aishkat.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu umenu : neme atussenaniti tutakanitau i ushkutima, anu tshika mitshena utapana meshkanat anu put tshika pishtautunanu nete mishta-meshkanat 138. Hydro-Québec ui uitshi-atussemeu nenua tshishe-utshimaua ministère des Transports du Québec ma kamakunueshiniti Sûreté du Québec kie nenua utenaua ka takuaniti pessish tshe atussenaniti, tshetshi tutak mamu tshekuannu tshetshi eka mishta-pishtautunanit.

Ka itenitakanit ne tshekuan 47 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu : tshetshi eka kushtikuak nete meshkanat, Hydro-Québec tshipa ui shitshimeu nenua kupaniesha tshe natshi-atusseniti, tshetshi eka shuku mitshetuau pimipataniti nete mishta-meshkanat 138, tshetshi atshupanit anite eshpish pimipapaniti utapana miam tshashi-atussenaniti kie miam niatshi-mitshishunaniti iapitashishikati kie uetakussiti. Ne tutakaniti, atut mishkut tshipa atushtakanu ne nishkitumeshkanau Trans-Québec no 3, tanite apu shuku mishta-pimipapaniti utapana pepuki.

Ka itenitakanit ne tshekuan 48 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu : ne tshishe-utshimau ministère de Transports du Québec tshipa ui mamitunenitamu tshetshi tutakaniti nete mishta-meshkanat 138, anite tshipa ut tshi uemashkatshenanu, tshetshi eka pishtautunanit mak tshipa ui tutakanu tshetshi nikatshipanant nete pemipatananiti pessish utenaua tekuaki.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu umenu : neme eshinakuak mishta-meshkanau 138 mak nete atussenaniti, tutakaniti ushkutim Romaine 2, e uauakamut kie e panashueshimut, minuau an tshetshi pimipaitunanut iu ne tshishe-utshimau ka tshitapatak meshkanaua ne ministère des Transport du Québec. Muku nenu tshe ishkatat Hydro-Québec tshitapatamu nemenu tshe itashiniti utapana anite tshe pimipatananiti tshetshi atusseniti nete ushkutima tutakanitau, apu kutakanu ishi-uapatak nenu meshkananu tan tshipa itapatannu nete aishkat. Mak ne, pimipatananiti nete meshkanat mekuat etussenaniti, anitshenat mishta-utapanat pimipaitutau, tshipa tshi put kushtukuannu anitshenat tshe apashtaht meshkananu.

Ka itenitakanit ne tshekuan 49 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu : tutakanit anite meshkanau tshe itamut nete tshe atussenanut nuash nete Romaine-2 tshe takuak, eka ma nasht minuamutakaniti tshipa kushtikuannu apashtataui auenitshenat. Hydro-Québec tshipa kanapua ui tutamu meshkananu e minu-tshitapatak eshi-uakamunit mak eshi-panashueshimunit mak tshetshi eka mishta-tshishipanitakannit muku 10 km tshipa ishpish ishpishipananu neme nutim eshkuat meshkanau. Tshipa ui nakatuapakanu anite ka pimipaituati anitshenat iapatshiaht ka neukateniti kie ma nishkitua, mak tshipa ui minu-tshikanakutakannu anite tshe teshkamipaituht.

Ka itenitakanit ne tshekuan 50 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu : tshetshi eka kushtikuak neme meshkanau tshe tutakanit, tshipa ui minu-tshitapatamu tshe ishikutakannit Hydro-Québec, nenua ashit tshipa tshi uitshiku ministère des Transports du Québec mak ne ministère des Ressources naturelles et de la Faune, tshetshi minu-tshitapatakanit tshe itapashtakanit neme meshkanau nete aishkat.

Ne mamuitun ka tshimanakanit tshetshi natu-tshissenitak atusseunnu ua tutakannit uapameu nenua Hydro-Québec tshe nakatuapataminiti tshetshi eka kushtikuannit nete atussenaniti mak tshe uitamuat nenua auenua minashkuat ka ituteniti, tshetshi nakatuapataminiti tshetshi eka ituteniti mekuat nenu tshe atussenaniti. Ne mamuitun uapatamu ashit tshe nakatuapatakanit tshetshi eka ishkuatet nete minashkuat, Hydro-Québec tshika ui nishtutatuat ashit nenua ka tshitapataminiti e nutshishkutuenanit, tan tshe ishi-nakatuenitakanit tshetshi eka ishkuatet nete minashkuat, nete tutakanitau ushikutima.

Ka itenitakanit ne tshekuan 51 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu : ne Hydro-Québec tshipa ui tutamu, ashit nenua tshipa uitshiku ministère des Transports du Québec, tan tshe ishi-pimutatakanit aimun tshetshi eka apashtakanit meshkanau tshe itamut nuash nete tshe atussenanut tshek ma ishinakuaki tshetshi tshipaikani ne mishta-meshkanau 138.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu umenu : Hydro-Québec uitamu tshetshi atusseshtak tan tshipa ishi-nakatuapakanu tshetshi eka kushtikuak nete pepamishkananiti utit, tshetshi ashit nenu ua itatussenaniti minushtet nete takuaikanit ka nakatuapatakanit anite tshe papamishkananiti. Ne mamuitun uapatamu ashit nenua Hydro-Québec tshe itsheuetishinakaniti mishtikua tshe pimapikuniti nete shipit, usham tshipa kushtikuannu anitshenat ka papamishkaht tshetshi katshitaukuht.

Ka itenitakanit ne tshekuan 52 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu : Hydro-Québec mak nenua tshe tshimanakaniti mamuituna tshe pimutatani aimunnu kie tshe natakaniti innua, tshipa ui uitamueuat nenua ka papamishkaniti utit tshe ishinakuannit kie tshe ishi-tshitaimatshenani tshetshi papamishkananiti tanite tshika tshi put kushtikuannu.

Ne mamuitun ka tshimanakanit tshetshi natu-tshissenitak atusseunnu ua tutakannit uapatamu umenu : Neme atusseunanit nete shipit, unaman-shipu apu tshika ut tat anite mishkumi kie ma tshika papatshishishu, Hydro-Québec tshika natuenitamu tshetshi eka tashkamishkunanit natamiku nete shipit, neme muku tshiam tshetshi apashtakanit ashukan tshe tutakanit nete tekuak ushkat ushkutim Romaine-1, neme ashit tshipa tshi apashtakanu ashukaniss ka pimutenanua, mishkut apu eshku tshissenitakanit tanite tshe tshikamutakanit pitama tshika ui kukuetshimakanuat anitshenat tshe apashtat mak masten nete PK 3, neme pessish ashukan mishta-meshkanat 138 ka takuanua, uipat tshika apashu mishkumi kie uenapissish muku tshiam tshika tshi teshkamipatananu anite.

Ka itenitakanit ne tshekuan 53 Kanapue tshika kushtikuan tashkamipaitunaniti, ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu, Hydro-Québec tshipa ui minu-tshitapatamu mishkumia eshpishtiniti nete PK 3, nete unaman-shipit mak tshika ui nanitam uitamueu nenua tshe pimipaituniti innua kie nenua ka tshitapataminiti nishkitu-meshkananu. Tshipa ui ashit nakatupamakanu eshpishtit mishkumi nete tshe mauatshitakanit nipi nete ushkutima tshe takuaki.

Ka itenitakanit ne tshekuan 54 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu: Hydro-Québec tshipa ui uemut nishu ashukanissat tutamu nete mamit shipit tshe takuak neme Romaine-1, tshipa ui anakashkanua, tshetshi eka kushtikuak teshkamutenaniti shipu mak tshetshi eka mishta-mishaikau umeshkanamua anitshenat iapatshiaht nishkitua. Ne ka ui tutak atusseunnu tshipa ui shaputuepanu e aimiat nenua ka apashtaniti meshkananu tshetshi tapuetatuht tan tshe ishi-pimutenaniti tshetshi mitshet auenitshenat takauakaniht.

Ne mamuitun ka tshimanakanit tshetshi natu-tshissenitak atusseunnu ua tutakannit upatamu umenu : anitshenat utshimauat etaht nete utenassa mak innu-takuakanit nete innu-assit, tshipa aieshkuanikuat nenua Hydro-Québec tshetshi tshissenitak tshekuannu tshe tutakh tshek ma natu ishpanniti nete utassiat. Tshika ui nashatamuat nenua Hydro-Québec tshe ishi-pimutenaniti tshek ma tshekuannu ishpaniti.

Ka itenitakanit ne tshekuan 55 Ne mamuitun ka tshimanakanit tshetshi natu-tshissenitak atusseunnu ua tutakannit itenitamu umenu: tshipa ui teuat auenitshenat miamuituht tshetshi nakatuenitak tan eshi-pimutenaniti kie eshi-kushtikuanit atusseunnu tshe tutakannit, tshe tat nete etaniti Hydro-Québec, utenaua, innu-assia kie Sécurité civile eshinikatakaniti. Nanitam tshipa ui ashu-minituaat aimunnu iapatannit nenu eshi-pikutaht kie eshi-nishtuapatahk nenua ushkutima kie tan tshipa ishi-kushtikuanua.

Ka itenitakanit ne tshekuan 56 Nemenu ka minakanit aimunnu nenua ua tutaminiti atusseunnu, ne mamuitun ka tshimanakanit tshetshi natu-tshissenitak atusseunnu ua tutakannit apu itenitak tshetshi kushtikuannit tshetshi nissipenit nete itetshe *Labrador*, tshek ma ishinakuak tshetshi ueshamipiat nete shipit, unaman-shipu. Tshipa mishta-mishipiau nipi nete ka mauatshitakanit nipi nete *Romaine 4*, tshipa put ishinakuan tshetshi amipet.

Ne mamuitun ka tshimanakanit tshetshi natu-tshissenitak atusseunnu ua tutakannit uapatam^u neme eshi-kanuenitashunanit nete assia anite tshe pimikaut nipi kie tshe ishikaut nete shipit nete tshiuetinit, tshetshi itapashtakanit e tutakanit nanimissiu-ishkuteu, shash tshipa ishpanu

mak ashit neni ka mishta-mishati shipua apu kutaka takuaki. Nenu ashit uapatam^u ne anutshish atusseun ua tutakanit mak nete kutak shipu *Petite Mécatina* shash netu-tshissenitakanit tshetshi tutakanit kutak nanimissiu-ishkuteu, anu tshika mishta-amatshuepanu eshi-takuak nete nutshimit.

Ne mamuitun ka tshimanakanit tshetshi natu-tshissenitak atusseunnu ua tutakannit uapatam^u tutakanishapan tshekuan tshetshi tshishpeuatakaniti nemeni kutaka shipua ka takuaki ute tshiuetinit muk^u ne eshi-tshitaimatshenanuti, apu eshk^u tshitshue tshishtakanit atusseun.

Ka itenitakanit ne tshekuan 57 Ne mamuitun ka tshimanakanit tshetshi natu-tshissenitak atusseunnu ua tutakannit itenitam^u umenu: etusseshtakanitai neni shipua tekuaki nete tshiuetinit tshetshi tutakanit nanimissiu-ishkuteu, tshipa ui ashit takuan anite tan tshe ishi-tshishpeuatakanit tshekuan tekuak nete assit, e mitshek kie ma e minuat tshekuan miam ne eshinakuak assi, eshi-nitautshik anite tshekuan kie etashinanit e apashtakanit.

Ka itenitakanit ne tshekuan 58 Tshissenitakanu ne shipu, unaman-shipu, ka mishta-mashkashinakuak anite nipi tekuak kie ka mishta-apatenitakannit, ka minu-apashtakanit miam e itutenanit ute tshiuetinit. Ne mamuitun ka tshimanakanit tshetshi natu-tshissenitak atusseunnu ua tutakannit itenitam^u umenu: neme tutakaniti atusseun, tshipa ui tshishpeuatakanu peik^u shipu tekuak ute tshiuetinit, miam ne eshinakuak iapit mak anite tshe mishkakanit ka minuashit kie ka itutenanit miam etutakanit nete shipit, unaman-shipu.

Ka itenitakanit ne tshekuan 59 Ne mamuitun ka tshimanakanit tshetshi natu-tshissenitak atusseunnu ua tutakannit itenitam^u umenu: ne e natu-tshissenitakanit tshe aitutakanit assi mak e natakaniht auenitshenat, neme nutim eshpishat atusseun, tshipa minuau takuak tanite neni ashit tshika tshimatakanua utatshishiapiu-mishtikua miam neme tutakanitai ushkutima, tshetshi shash pimipanitakaniti tshetshi tutakanit nanimissiu-ishkuteu.

Ne mamuitun ka tshimanakanit tshetshi natu-tshissenitak atusseunnu ua tutakannit uapatam^u umenu: mauatshitakaniti nete nipi, etatu tshika mishau ne shuniaupui (*mercure*) nete nameshit mak tshipa tshitaimatshenanu tshetshi kushkataniht kie tshetshi muakaniht. Tshissenitakannu eshi-mitshishuht anitshenat innuat, minu-patshitinakanit aimun kie minu-tshitapakanit ne tshekuan, atut tshipa ishpish kushtikuannu innuat tshetshi tshekuannu tutakakuht.

Ka itenitakanit ne tshekuan 60 Ne mamuitun ka tshimanakanit tshetshi natu-tshissenitak atusseunnu ua tutakannit itenitam^u umenu: apu mishta-kushtikuannit tshetshi anitshenat kakusseshiht uetshipaniht nete *Terre-Neuve-Labrador*, muaht namesha kenuenitaminiti shuniaupunu nete ka taniti ka mauatshitakannit nipinu *Romaine* 4. Tshetshi minu-nakatuapatakanit eshpanit, ne mamuitun ka tshimanakanit itenitam^u, tshipa minuau tshetshi minu-nashatakanit eshpanit, anitshenat ashit nameshat etaht nete e tatshishkatumakaki assia, Uepishtikueiat mak *Terre-Neuve-Labrador* tshipa ui nakatuapamakanuat. Tshek ma ishinakuaki, tshipa ui uemut uitamuakanuat anitshenat ka natshi-kusseht tan eshi-kushtikuannit.

Uitakanu tshipa itatussenanu 22 Ne mamuitun ka tshimanakanit tshetshi natu-tshissenitak atusseunnu ua tutakannit itenitam^u umenu : ne ka ui tutak atusseunnu ui nakatuenitam^u, mekuat atussenaniti, nenu eka ka minuat tshekuannu ka unuiapatenakanit nete tshishikut kie ka pikunakanit neme utakuanapakuan assi. Ne mamuitun shitshimu tshetshi minakaniti nenua *Environnement Canada mak ministère du Développement durable, de l'Environnement et des Parcs* tshetshi tshissenitakanit tan ishpish uepinakanit ne tshekuan eka ka minuat etutakaniti neme nanimissiu-ishkuteu, ute Uepishtikueiau-assit mak nete nutim eshpishat *Canada*.

Ne mamuitun ka tshimanakanit uapatam^u umenu, neme tutakaniti nanimissiu-ishkuteu tshipa ashit tutakanu eka ka minuat tshekuan, miam ne ka unuiapatet nete utapan pemipaniti, neme ushkat nete tshitshipaniti atusseun. Patush peikunnuqipuna tshi tshitshipaniti ne atusseun tshe mishta-matenitakuak ne eka ka minuat tshekuan, tshe minuat nashikupanit, miam nakana ka ishinakuak.

Uitakanu tshipa itatussenanu 23 Ne mamuitun ka tshimanakanit tshetshi natu-tshissenitak atusseunnu ua tutakannit shitshimeu nenua ka ui tutaminiti atusseunnu tshetshi minu-tshitapataminiti nenu tshe ishpish unuiapatenit eka ka minuanit tshekuannu. *Environnement Canada* tshipa tshi natuenitam^u tshetshi atshitakannit tan ishpish e unuiapatenit eka menuanit tshekuannu nete nanimissiu-ishkutenu e tutakaniti ute assit, *Canada*. Tshetshi nutim eshpish tutakanit tshissenitakanit eshpishat, ne e tutakanit nanimissiu-ishkuteu mak ashit e pimipanitakaniti neni mitshuapa.

Ka itenitakanit ne tshekuan 61 Ne mamuitun ka tshimanakanit tshetshi natu-tshissenitak atusseunnu ua tutakannit itenitam^u umenu: ne tutakaniti atusseun, atut tshipa mishtakatshitaikanu ne tshekuan ka ishi-nitautshik kie nete tekuaq assit, tshetshi minakanit tshekuannu ua apashtaht anitshenat etaht anutshish kie kutakat tshe petuteht, minikutaui kie tutaminitaui kutakanu tshekuannu nenua ua tutaminiti atusseunnu mak mamuitun ka natu-tshissenitaminiti.

Ka itenitakanit ne tshekuan 62 Ne mamuitun ka tshimanakanit tshetshi natu-tshissenitak atusseunnu ua tutakannit apu tshi natu-tshissenitak tan tshe ishi-katshitaikannit uinipekunu *Saint-Laurent* mak eshi-nitautshinit nete, tanite apu kanuenitak aimunnu mak mashinaikana.

Ka itenitakanit ne tshekuan 63 Ne mamuitun ka tshimanakanit tshetshi natu-tshissenitak atusseunnu itenitam^u nenu, *Hydro-Québec* tshipa ui aishkushtau tshetshi natu-tshissenitakannit assinu nete tshe manutshenani kie tshe manukashunanit tshi tshishtakaniti neme tshe itatussenanit, tshetshi nasht eka nakatakanit anite tshekuan ka uinakuak nete assit kie tshipa ui mineu tshishtati, tshi natu-tshissenitaki nenua *ministère du Développement durable, de l'Environnement et des Parcs*.

Ka itenitakanit ne tshekuan 64 Ne mamuitun ka tshimanakanit tshetshi natu-tshissenitak atusseunnu itenitam^u nenu, *Hydro-Québec* tshipa aishkushtau tan tshe aitutak uepinashuna mak tshipa ui uauitamueu nenua utenaua Uepimishkat tshetshi ma tshi apashtauat uepinashunnu ka kanuenitaminiti.

Uitakanu tshipa itatussenanu 24 Ne mamuitun ka tshimanakanit tshetshi natu-tshissenitak atusseunnu ua tutakannit shitshimeu nenua tshishe-utshimaua ka patshitinaiti kanua, miam ne ka kussenait *Pêches et Océans Canada*, meshkanaua ka tshitapatak *Transports Canada* mak ne *ministère du Développement durable, de l'Environnement et des Parcs*, tshetshi, uapatiniuenaiti kie patshitinakaniti umashinaikana, ne ka ui tutak atusseunnu. Neni ka ishi-unuipanit aimun katshi natu-tshissenitakanit kie ma tan tshe ishi-nashatakanit atusseun tutakaniti.